



Fernand ETGEN
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 10/08/2022

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un de Premierminister & d'Ministesch fir Justiz weiderzeleeden.

A Griicheland huet de Regierungschef viru Kuerzem zouginn, dass een Oppositionspolitiker souwéi ee Journalist an de vergaangene Méint vum griichesche Geheimdéngscht ofgelauschtert goufen. Et ass net déi éischte Kéier, dass Oppositionspolitiker a Journalisten d'Muecht vun der Exekutive ze spiere kréien: de Skandal ronderëm de Staatstrojaner Pegasus huet gewisen, wéi Regierunge systematesch op Iwwerwachungsmëttel géint d'Opposition kënnen zeréckgräifen, ob a Katalounien, Polen oder Ungarn. D'Muecht, fir een iwwert legal Mëttelen auszespionéieren, huet natierlech och ee gewëssent Aschüchterungspotenzial.

Zu Lëtzebuerg huet de Geheimdéngscht, trotz dem neie Gesetz vun 2016, nach ëmmer vill Prärogativen, déi och vun der Exekutive genotzt kéinte ginn, fir politesch onerwënschte Persounen oder Acteure vun de Zivilgesellschaft auszespionéieren.

An deem Zesammenhang wéilt ech de Ministeren dës Froe stellen:

1. Goufen ënnert dem Premierminister Bettel senge Regierungen zënter 2013 Politiker (Deputéierten, Gemengerotsmemberen, Leit mat Parteiämter, Kandidate fir d'Walen) ofgelauschtert, iwwerwaacht oder verfollegt?
2. Huet d'Justiz zënter 2013 Uweisung ginn, fir Politiker (Deputéierten, Gemengerotsmemberen, Leit mat Parteiämter, Kandidaten fir d'Walen) ofzelauschteren, z'iwwerwaachen oder aneschtens ze verfollegen?
3. Hunn d'Justiz an d'Police zënter 2013 am Kader vun enger Duerchsicht E-Mailboxe vu Politiker (Deputéierten, Gemengerotsmemberen, Leit mat Parteiämter, Kandidate fir d'Walen) beschlagnaamt an duerchsicht oder op d'Vorratsdatespäicherung zeréckgegraff?
4. Hu Ministeren an der Vergaangenheet hier Verwaltung genotzt, fir politesch Persounen ze kontrolléieren oder ënner Drock ze setzen? Falls nee, wéi kann dat



www.piraten.lu

iwwerpréift ginn?

5. Falls politesch Persounen an der Vergaangenheet kontrolléiert goufen, wat waren heifir d'Grënn?
6. Gräift de SREL am Kader vu senge Missiounen, wéi se am Gesetz vum 5te Juli 2016 festgehale sinn, op d'Vorratsdatespäicherung zeréck?
7. Wéi ka séchergestallt ginn, dass eng Regierung hei am Land hier Muecht z'iwwerwaachen net mëssbraucht?

Mat déiwem Respekt,



GOERGEN Marc

Député

